

左恪靖侯奏稿續編

恪靖奏稿續編卷五十六目錄

出力員弁兵勇請獎摺

雷正綰李輝武請獎片

范銘請開復原官片

出關諸軍餉數糧價運腳辦理情形摺

山西應協嵩武軍駝乾銀兩請歸西征糧臺搭解片

恩賞嵩武軍皮衣銀請撥欸給領片

出關各軍運腳難拘定例片

河州南鄉回叛圍剿大勝摺

高武軍在哈密建荒

出力員弁兵勇請獎摺

奏爲官軍克復巴燕戎城擒獲叛逆及剿滅河州竄賊
戡定各境諸軍分路截剿股匪殲滅淨盡地方肅清出
力員弁兵勇彙案保獎仰祈

聖鑒事竊臣於同治十二年二月二十九日會奏克復
巴燕戎城擒獲叛逆馬桂源等一摺奉

上諭其餘出力員弁著左宗棠彙案保奏等因欽此伏
查前於同治十年十月二十六日奏報南路官軍追剿
河州竄賊獲勝一片奉

上諭南路各軍已將河州竄出回股追剿殆盡尙屬出力准由左宗棠彙案擇尤保獎欽此十一年四月二十日奏報北路零匪肆竄經管軍節次截剿獲勝殲滅殆盡請將出力員弁擇尤保奏一摺奉

上諭雷正綰蕭章開成定康所部出力各員准左宗棠擇尤保獎以示鼓勵欽此十一年六月二十五日奏報甘南剿辦零匪一片奉

旨知道了著仍飭各路官兵妥籌防剿毋稍大意出力各弁

著准其擇尤保獎毋許冒濫各等因欽此臣維河湟表裏互爲聲應荒邊闊絕用兵至艱賴統領將士深入轉戰勦撫兼施河州底定巴燕戎格地方種人繁雜嚴壑深阻叛逆馬桂源等遁踞其地意圖結黨西竄復由河州各軍乘勝取道番地縋幽鑿險直搗廳城斷其去路逆首悉數就擒糜爛之區倏臻底定又上年河回撫定其逃匿河州之著名兇悍各逆狗齒牙馬才棕李萬海等股以窟穴已空避匿無所仍偷竄北路爲賒死計旋經北路各防軍分道窮追將首要各逆及悍黨一律殲

除淨盡北路肅清所有前後各案在事文武將領士卒
不憚艱辛實屬勞烈卓著茲據各路統領開具清單請
獎前來臣詳加覆核雖人數較多不忍稍有掩抑謹核
實甄錄以示激勸除將擬保藍翎千總以下各弁照例
咨部註冊外所有此次在事出力文武員弁均係臨陣
打仗克復城池擒斬要逆邀免填註考語謹繕清單恭
呈

御覽合無仰懇

天恩俯准照請給獎以叙前勞而策後效伏乞

皇上聖鑒訓示謹

奏同治十三年七月

硃批另有旨欽此

雷正綰李輝武請獎片

再陝西固原提督雷正綰久役關隴戰績最多自蕩平
金積堅巢以後率軍回駐固原殲除鹽固東西兩山各
起悍回渠目甚多北路肅清勛勞卓著新授甘肅提督
本任漢中鎮總兵李輝武力扼秦蜀楚三省邊要地方
截游匪竄回捕斬潰卒功績最偉北路南路肅清實資

厥力應請

旨將陝西固原提督達春巴圖魯雷正綰新授甘肅提督本任漢中鎮總兵法福凌阿巴圖魯李輝武均賞給頭品頂戴以彰勞勩可否之處出自

天恩謹附片具陳伏乞

聖鑒訓示謹

奏 同治十三年七月

硃批另有旨欽此

范銘請開復原官片

再提督銜記名總兵強勇巴圖魯范銘前因所部勇目
尤芝政安桐貞師仲筵楊尒會尤得祥等因裁併成營
不受約束鼓眾潰變經臣督飭各軍分別剿撫立將尤
芝政安桐貞軍前正法陣斬楊尒會尤得祥等多名事
遂定其時范銘已早避匿土司楊元處因首要各犯伏
法餘眾准撫乃詣營自陳請罪臣以范銘因收集土勇
過多冗雜粗獷本不易制范銘雖隨時勉圖鎮壓而事
柄下移勢已積重難返棄軍避匿皆難辭勢非得已
臣比飭將撫定餘眾分爲十六營交前福建布政使王

德榜統領其隨營老弱婦女擇地安插一律給賑並飭
范銘赴王德榜軍前聽候差遣該弁勇等自撫定後奉
令唯謹遇有調派踴躍爭先聞有桀黠之徒經王德榜
隨時察明懲處營規益肅據王德榜稟稱范銘自奉派
差委後深知愧勵於剿捕諸事匹馬當先屢有擒斬漢
回番民遇有爭執之事范銘從中調處猜嫌盡釋此次
河州底定著有微勞臣覆核無異伏懇

天恩免其查辦仍以原官留營聽候差委范銘仰荷

聖慈益當感奮圖報而甘肅軍政修明軍情益服於邊

方不無小補愚昧之見是否有當謹附片陳明伏乞
聖鑒訓示謹

奏

硃批兵部議奏欽此

軍機大臣 字寄同治十三年七月十三日奉

軍諭景廉奏馬隊官兵暫難分撥並請飭設法轉運接濟大軍一摺吉爾洪額等馬隊既據景廉奏稱暫難抽撥卽著俟金順到古城後悉心商酌設法分撥勁旅前赴西湖助剿金順業已出關劉宏發步隊五營先赴坤城該軍口糧已經景廉籌撥接濟惟後路大軍皆以轉輸不繼停留於安玉等處現在事機正急各軍豈容阻滯中途著左宗棠懍遵疊次諭旨設法速爲轉運俾資飽騰毋稍缺乏本日已有旨授景廉爲欽差大臣金順

爲前辦大臣新疆事宜該大臣等實無旁貸金順現在
行抵何處著迅速先行赴古城與景廉籌商進兵機宜
金順一抵古城卽著迅速奏聞以慰廩系束全兵力尙
單逆回疊犯西湖等處並著該都統妥籌兼顧以期聯
絡聲勢俾壯軍威刻下大軍陸續西行餉需不容稍緩
著戶部速籌有著之款源源撥解毋令停兵待餉致誤
事機將此由六百里各諭令知之欽此

出關諸軍餉數糧價運腳辦理情形摺

奏爲出關諸軍餉數及糧價運腳現籌辦理情形謹遵諭旨陳明仰祈

聖鑒事竊臣前奏出關諸軍餉數及糧價運腳應由戶兵兩部會議一摺聲明除額爾慶額所統馬隊金順所統馮桂增一營糧餉腳價由臣與穆圖善餉項內割給毋庸另籌外其金順張曜宋慶等出關各軍餉糧應否酌中定議俾諸軍餉饋有著嗣准部覆金順張曜宋慶應各將該軍所需正餉糧料等項查照例章並體察關

外情形每月實需銀若干並原撥餉項分晰咨報由臣
奏明再由臣核辦等因已經奏明奉

旨依議欽此臣比恭錄並鈔部文飛咨金順張曜宋慶
欽遵辦理頃接張曜咨報所部嵩武軍馬步十四營按
人馬實數每月應支淨糧料四十三萬六千九百五十
斤其管駝騾差弁夫長應支食之銀糧駝騾應支食之
料尚不在內該軍由河南應餉計每月照章應得正雜
餉銀三萬七千二百八十餘兩若將糧料價值轉運各
費攤扣不但全軍無餉且欠數甚鉅應請奏准將該軍

糧運經費作正開銷俾各營仍得正雜餉款以資食用
津貼其自出關以後軍裝軍火軍餉等項轉運應請再
添撥銀五千兩以清墊款此張曜所報軍餉數目也宋
慶所部毅軍據報步隊十四營又一旗馬隊一營又一
起統計步勇七千二百名長夫一千五百餘名馬勇四
百名長夫一百三十六名共計馬步勇夫九千一百三
十六名隨員差弁夫丁不計月需淨糧料四十九萬三
千一百餘斤照河南餉章大建每月支銀四萬二千餘
兩小建月支銀四萬一千餘兩前因出關各軍採糧轉

運艱阻萬狀奏明暫由肅州移駐涼州寧夏就近採運糧料供軍價平腳省尙可毋庸議加惟現擬撥馬步勇丁千名馬百餘匹先進哈密放水灌池爲續進開墾之計及將來各營出關所需糧運屆時再照張曜餉事議增乃昭平允至宋慶所稱前因料理出關挪用正餉購辦駱駝千隻現已到營雇駝夫三百名此項駝料夫糧每月須銀四千兩應請按月添撥此宋慶所報軍餉數目也金順一軍合明春所部自定馬步二十營人數在一萬以外開奉

諭旨明春所部歸其自帶聞金順仍自定馬步二十營
所需糧料許已由局發過一千二百萬斤除派提督劉
宏發等六營赴古城外金順擬於九月內親帶馬步四
營赴巴里坤餘仍屯駐肅州安西該軍馬步餉章與楚
軍相仿較之張宋豫軍餉章爲優其在安肅糧料均由
肅局應付應請作正開銷該軍餉項提解不少頃據額
爾慶額桂錫植等古城來報該處一帶糧料每石重三
百餘斤合銀三兩近因官軍陸續到境景廉定作四兩
三錢已爲金順訂買二萬餘石旋據史念祖等稟報所

聞相同似金順全軍撥行可供十箇月之食但臣所接
景廉八月來臧尙云須由關內齎糧前往金順近日來
贖亦以爲言無從揣測按關內採糧由涼州起歷甘州
肅州以達安西計程一千五百六十里合糧料價值車
馱駝隻運腳及各項費用計算每糧料百斤實需銀十
一兩七錢有奇惟由涼州而西抵肅州所採糧料近西
一站則運腳之費可遞省一站故甘屬運腳省於涼肅
屬運腳又省於甘也是運運價值雖由涼起算而程途
遠近即價值多寡非以十一兩七錢上下爲定

也原奏亦曾聲叙及之景廉前奏稱科布多烏里雅蘇
臺採糧一石運至古城需銀十餘兩勞費甚多已奏停
止而以出關各軍糧料應由關內接濟爲言不知由烏
科採運至巴古需銀十餘兩之多僅與由涼採運至安
西所費價腳相等而出烏科採運至古地一石計重三
百餘斤較由涼州運安西計重百斤之價腳已少三分
之二況由安西逾哈密轉運巴古計二十六站一千九
百八十七里每百斤又須加運腳過倍乎臣前緘致金
順言之頗詳然猶不知巴古一帶本有糧可採價並不

昂又可省運費二十餘倍也臣所見所聞言之金順到巴古後萬無舍近來遠舍易圖難舍賤食貴之理臣與景廉金順同辦一事所用同係

朝廷至艱之餉但論於軍情

國計有裨何庸妄存意見所有金順一軍餉事據事就所知者據實陳之至查照例章體察關外情形每月實需若干應請

飭金順自行陳明聽部臣核辦金順既蒙

簡放幫辦大臣本軍事體應自徑陳臣尤不應越瀆也

所有諸軍餉數及糧運價腳謹據實覆

奏伏乞

皇上聖鑒訓示施行謹

奏 同治十二年十月初四日

山西應協嵩武軍駝乾銀兩請歸西征糧臺搭解
片

再准統領嵩武軍廣東陸路提督張曜牘稱所部嵩武
軍每月向有駝乾銀五千兩由山西藩庫撥發交委員
解赴該軍歸化轉運局接解赴營歷經辦理在案惟軍

行關外與晉省相距益遠由營委員提解勅虞遲滯擬將前項駝乾銀兩由晉省按月解歸西征糧臺搭解俾濟急需等因牘請具

奏前來臣查該軍遠征塞外駝乾一款待用甚急應敕下山西撫臣將應協嵩武軍駝乾銀兩由晉省按月解歸西征糧臺搭解赴營以期妥速而濟要需謹附片具陳伏乞

聖鑒訓示謹

奏 同治十三年十月初四日

硃批另有旨欽此

恩賞高武軍皮衣銀請撥款給領片

再准統領高武軍廣東陸路提督張曜牘稱所部高武軍馬步十四營從征邊徼需用皮衣歷年均蒙

恩賞每勇一名銀一兩五錢撥款領給在案本年遠征塞外天氣早寒所有該勇等皮衣銀兩仰懇

天恩將

賞給高武軍皮衣銀兩撥款給領以示體恤謹附片具

陳伏乞

聖鑒訓示謹

奏同治十三年十月初四日

硃批另有旨欽此

軍機大臣 字寄同治十三年十月十五日奉

上諭左宗棠奏辦理出關諸軍餉數及糧運情形並請
飭晉省按解張曜一軍駝乾銀兩暨請賞給該軍反衣
銀兩各摺片出關各軍餉項業經張曜朱慶報明數目
張曜一軍糧運經費所請作正開銷該軍出關後轉運
軍火等項應添銀兩及宋慶一軍添撥駝料夫糧款項

卽著左宗棠酌度情形妥爲辦理金順擬於九月內親帶馬步四營赴巴里坤餘仍屯駐肅州安西該軍糧料已由左宗棠發過一千二百萬斤現在古城糧料價值每石三百餘斤由景廉定作四兩三錢已爲金順訂買二萬餘石是金順全軍足供數月之食而關內齎糧前往計程愈遠運費愈繁左宗棠所陳糧運勞費自屬實在情形已古一帶既有糧石可採價值不致過昂可省運費二十餘倍之多自不必由關內採運以省浮費卽著左宗棠景廉金順妥爲籌商總期軍食有裨不可舍

易圖難更不得意存推諉至金順一軍糧餉每月實需若干卽由該幫辦大臣覈實奏明辦理張曜一軍每月駝乾銀五千兩向由晉省撥發刻下軍行較遠提解爲難著鮑源深卽將此項銀兩按月解至西征糧臺以便轉解應用該軍皮衣銀兩卽著左宗棠撥款賞給將此由五百里各諭令知之欽此

出關各軍運腳難拘定例片

再部議出關各軍運腳照定例按程核算較臣原奏每糧百斤約需銀十一兩七錢上下數目不無懸殊查例

載運腳係專指願用車騾駝價而言臣原奏關內採運
由涼州歷甘州肅州以達安西計程一千五百六十里
每糧百斤約需銀十一兩七錢上下係合糧價車騾駝
隻腳價及員弁人夫薪糧牲畜草料口袋什物局費一
切統算在內均勻攤價故與例載專指腳價言者多寡
之數不符若專就運腳言之固不至懸殊也且此時甘
省新復之區人物凋殘絲毫不能藉資民力與從前承
平日久地方完善情形判若霄壤自未可按照成例致
誤轉輸現時關內轉解糧餉軍裝軍火官運民運相輔

而行民運腳價無論雇用车騾馬酌定每運百斤百里均各給銀四錢而額爾慶額出關雇用之民馳則自定百斤百里給腳銀五錢關外食物昂於內地腳價較內地加增現辦情形已難一律也民運腳價之外尙有民夫口食牲畜喂養及應用什物各項一有缺乏立形滯礙停待一日所費更多故必須設立官局隨時給領酌扣價銀始爲省便雖比民間買價津貼已多而費實不容惜故關內民運百斤百里給腳價銀四錢合之局用津貼實不止四錢關外民運百斤百里給腳價銀五

錢台之局用津貼亦尙不止五錢也官運須分途採購車馱分幫派弁夫管理車勒鞍架繩索口袋什物須隨時修整備辦牲畜須按站預備草料醫藥以資喂養車輻損壞牲畜倒斃又須裁併挑換隨時買補填槽所費極繁而總分局員弁夫役護勇工匠薪糧局用正雜諸費尙未計也此項費用指官民運腳而言自應攤入糧價並算約言之則爲一端分言之則款目瑣碎非俟轉運歲役專案據實開報請銷急難清理就緒此時就臣所墊過糧價實銀言之除朱慶一軍去歲由甘州肅州

各局支領糧料已經結算價銀外金順一軍領過糧料
截至本年九月內共一千二百萬斤應攤合價銀六十
六萬餘兩內收還銀六萬七千五百七十六兩一錢八
分尙墊過銀五十九萬餘兩張曜一軍領過糧料截至
本年九月上旬止共支四百七十萬零九百餘斤應攤
合價銀二十五萬九千餘兩內收還銀六千餘兩尙墊
過銀二十五萬三千餘兩合之金順一軍糧價由臣墊
付者已八十餘萬兩此該兩軍未出關以前由甘州肅
州各局就近支領居多故攤扣價銀每百斤約合五兩

五錢有奇若全隊出關以後糧運仍由內地籌供則由涼州遞運安西州每糧百斤實需銀十一兩七錢有奇安西轉解哈密又須從新起算程途遠近割價則多其所分路途少一站運費可省一站牽算分攤費自輕減並非以由涼州至安西州十一兩七錢上下爲定也前摺已經陳奏所有運腳難拘定例及臣墊過金張兩軍糧價截止本年九月上旬實數謹附片陳

奏再金順一軍借過臣軍餉銀十二萬兩並未還款現又允借助駝隻三四百隻運糧至巴里坤張曜一軍借

過臣軍餉銀三萬兩未還現又借助駝隻運糧至哈爾
均未在兩軍採運欠頂內計算合併聲明伏乞

聖鑒訓示謹

奏同治十三年十月初四日

硃批戶部知道欽此

軍機大臣 字寄同治十三年十月二十一日奉

上諭戶部奏出關各軍餉項暨新疆各城軍餉請統歸西征糧臺經理一摺現在大軍出關相機進取前經降旨派左宗棠督辦糧餉轉運一切事宜並令袁保恆幫辦所有出關各軍應需糧餉運仁等項自應統歸左宗棠袁保恆斟酌緩急奏請籌撥至新疆軍餉近年各城請撥頭緒紛繁殊不足以昭核實亦應歸左宗棠等一併經理嗣後出關各軍暨新疆各城請撥餉需均由該統兵各員及各城大臣咨照左宗棠袁保恆核明數目

酌量奏撥不得紛紛自行奏請以歸畫一而專責成卽
著左宗棠景廉金順袁保恆咨照該統兵各員及各城
大臣一體遵照辦理左宗棠袁保恆務當通盤規畫酌
盈劑虛核實籌撥毋任稍有匱乏原摺均著鈔給閱看
將此由五百里各諭令知之欽此

河州南鄉回叛圍劫大勝摺

奏爲河州南鄉回叛圍劫大勝摺
抗拒官軍調集各路防
營圍剿疊獲大勝地方安謐據實馳

奏仰祈

聖鑒軍竊甘肅各府臬州縣回民番眾自就撫安插後
經臣出示曉諭各安生業銷除從前忿怨禁止藉端報
復以靖地方均奉法惟謹惟河州城南三十里舖土著
撫回閔殿臣與西北鄉撫回都司馬占鼇軍功馬永瑞
東鄉撫回軍功馬悟真等素不相能蓋因從前阻撓撫

議直撲省城燒搶廟宇民房馬占鼇等會斥其罪犯不赦十一年就撫特閔殿臣父子心懷猶豫馬占鼇馬永瑞又曾將其父子細辱之憾也比撫局大定閔殿臣與其同教族黨受官司約束外極馴順臣以河境回番雜處山谷阻深新定之區制兵未復擬選募上著待異時添補兵額介馬占鼇馬永瑞挑選壯丁七百餘名扼積石關閔殿臣之子閔福一投馬占鼇處充哨長因不守營規被革閔殿臣因此益憾馬占鼇並疑馬永瑞有意陷之該逆有子四均爲狼異常其至戚黑里布兄弟及

隊回寧河州行近三十里舖忽麻木溝一帶伏賊齊出
官軍整隊接戰陣斬先鋒悍賊數名忽賊中拋擲火包
適中藥桶火藥轟發西風猛起延燒鎗隊藥袋官軍陣
脚忽動總兵黃添泰凌默發副將李福星等督隊衝殺
各斬賊十餘名同時殞於陣前士卒從死者甚眾張仲
春凌春臺乃收隊退保寧河二十四賊率大股復撲河
州城沈玉遂憑城固守派馬占鰲馬永瑞率左右兩旗
出擊斃賊頗多賊退撒拉崖二十五日賊數千齊撲
河城踞城外東西北三面峰巔俯瞰城中悍賊蛇行伏

逼城下火燒西關遍穿地洞積薪焚門張仲春凌春臺
與甯河防營副將邊得貴各率所部堵禦斬上城悍賊
百數十名昇大石堆砌城洞於石隙發鎗斃賊約二百
餘名賊晝夜環攻迄不得逞十二月初一日張仲春凌
春臺邊得貴等見賊攻稍懈派各哨隊分三路出城奮
擊賊亦分三路迎拒交戰數十合賊中路先敗官軍三
路齊逼壓勅立斬悍賊二百餘名生擒馬由立等五名
奪獲旗幟軍械甚多兇鋒稍挫是日劉錦棠等率所部
由積石關至河州察看賊蹤與沈玉遂會商初二日名

率所部馬步進駐河州城南二十里錦正築壘間逆眾
列隊前山搦戰劉錦棠令步軍整隊勿動飭提督黃萬
鵬督旌善隊崔偉高得彥畢大才等四百騎總兵陶鼎
金守備沈福田及馬占鼇馬永瑞所帶各馬隊向前衝
擊佯敗以誘之賊下山猛撲黃萬鵬且戰且退甫近步
軍列隊之前旌善馬隊張兩翼斜抄迅進以其半下馬
開鎗立斃悍賊二十餘名賊仍鼠竄歸巢初三日辰刻
逆賊傾巢排列山梁綿亘數里劉錦棠列陣以待約兩
時許賊不下山劉錦棠沈玉遂商令馬隊仍由中路平

川徐進親率步軍各分三枝上山搦戰將近山頂賊始
猛撲而下官軍齊開鎗礮鎗礮止刀矛接陣斬閔逆長
子閔福一及悍目黑里布兄弟賊大敗漫山潰走官軍
合勢壓追斃悍賊六百餘名奪獲軍械六百餘件初四
日大雪停隊偵賊仍收集麻木溝一帶初五日提督劉
端冕總兵張福齊率所部進甯河前五里李家坪偵賊
數百護輜重腐聚下趕坡初六日分路進擊斃賊二十
餘名生擒二十一名餘賊鼠竄少頃山間有賊二千餘
突至似來援下趕坡之賊者劉端冕張福齊仍分路抵

擊正交綏聞劉錦棠追賊滿坪聞鎗礮聲震知山前有
戰事遣馬隊橫出截之賊見官軍兩面夾擊慌懼不知
所爲劉端冕張福齊奮威衝殺斃賊四百餘名生擒賊
目王有才等六十餘名訊畢斬之餘賊滾溝四散奪獲
戰馬二十四軍械輜重無數初七日劉端冕張福齊率
隊抵拉力寺斃賊數十名劉錦棠沈玉遂率隊至鎖南
壩追賊積梅石賊棄眷向南而走沿途擒斬頗多初八
日偵賊由三十里鋪竄買家集築卡於打鼓臺劉錦棠
飛飭各軍合力圍攻初九日黎明各率馬步由姚家壩

上山見山頭賊隊林立劉錦棠由左路分支而進沈玉遂由右路分支而進賊見官軍追至蜂擁下山猛撲右路勢甚兇悍沈玉遂衝出陣前領隊奮擊賊以長矛直指沈玉遂沈玉遂振斷矛頭還以撞賊新軍刀矛環刺斃賊多名劉錦棠見賊趨重右路飛飭所部馬隊翻山橫衝賊隊提督譚和義參將張俊大呼陷陣各營號鼓齊鳴士氣百倍搶上山頂總兵戴清輝朱華祥率隊繼進賊見官軍逼近復回頭抗拒黃萬鵬飭旌善河鎮各馬隊由梁下馬開鎗轟擊賊棄卡下山向買家集郭家

噉等處狂奔劉錦棠揮馬步各隊下山緊躡其後張仲春凌春臺在臺子街聞打鼓臺鎗聲甚緊率所部各營急進行近買家集遇劉錦棠馬隊已出賊前劉錦棠所部步隊已布滿西北張仲春凌春臺卽令所部分布東南賊見竄路已絕縮入買家集郭家嘴各莊堡拚死拒敵劉錦棠令各軍步隊圍攻莊堡馬隊分列率川防竄逸布署甫定各營取薪舉火焚各村堡悍賊猶於火光中閃鎗轟傷官軍亦有冒烟衝出者比經蕪殺無遺其未着火各村堡又經官軍次第攻破擒斬淨盡時日三

更夜深月黑各營環立待旦未令散隊初十日黎明驗
視賊屍枕藉約略指數二千數百具或焦爛不能辨認
或血污塵撲不能識別據生擒各賊供閔逆之弟及七
次子閔尒木買家集回目馬福林東鄉四太又回目王
師務西鄉回目馬八馬老師務等實已陣斬其焚死者
不能確指也閔逆殿臣之弟與子除陣斬外均報捕獲
眷逆均已焚斃其助逆死黨已無噍類惟閔殿臣一犯
已否伏誅尙無確鑿證據現飭各路防營接山躡緝數
百里內各隘口均派有哨隊巡邏網羅四張當不致任

其倖脫也竊維河州南鄉各回眾從前作惡最多就撫後因其安靜無他未加誅戮此次之變雖藉報復爲詞然敢糾聚死黨脅逼回民同爲叛逆拒傷官軍罪大惡極實覆載所難容臣於聞警之始亦料其不至釀成拒端然回性犬羊慮其句結蔓延驟難料理故密飭各營嚴扼洮河東岸及康家崖三甲集太子寺甯河各城堡以峻東南水陸之防飛飭劉錦棠帶所部由西甯取道大河家出河州西北直搗賊巢蓋冀裹賊中央爲一鼓聚殲之計耳幸劉錦棠奉檄星馳師抵河州卽會督諸

軍相度地形指揮進討未及十日遂將此股悍逆悉數殲除計各軍殺斃羈縻之賊前後約近四千有奇而將士之陣亡者亦將五百員名受傷者六百名有奇緣戰地山溝重疊伏賊難防故也現諭令各鄉自縛逸匪送官審辨地方安謐如常各軍亦可陸續撤回原防矣劉錦棠此次遠赴戎機深明方略忠勇可嘉諸將士履險苦戰微勞亦有足錄臣擬俟查明首逆閔殿臣確實下落後籲懇

天恩加以獎敘以示激勸其力戰捐軀各將弁容卽核

明開單分別請

卹以慰忠魂所有剿除河州南鄉逆匪情形謹據實馳
陳伏乞

皇上聖鑒訓示施行謹

奏
同治十三年十二月十七日

軍機大臣 字寄同治十三年十二月二十七日奉

上諭左宗棠奏河州撫回搆毀滋事圍剿獲勝一摺甘
省回眾野性未除誅不勝誅不得已而爲招撫之計仍
當隨時防範以期日來相安此次逆回閔殿臣竟敢藉

報復爲詞糾聚死黨脅逼回民同爲叛逆雖經官軍合力圍剿逆眾悉數殲除而將士陣亡至五百員名受傷者至六百有奇之多實非尋常跳梁可比現在逆首閔殿臣是否伏誅抑或乘機逃遁著左宗棠確切查明一面飭令各路官軍認真巡邏務將該犯擒拏正法並將餘匪搜捕淨肅至河州各處撫回允當隨事隨時妥爲安輯彼眾犬羊之性一被勾結卽至蔓延總期實力防維以安反側此次劉錦棠率領各軍進赴戎機尙爲得力所有出力各員著俟查明首逆閔殿臣下落後准由

左宗棠擇尤深獎陣亡員弁卽著查明請卹將此由六
百里諭令知之欽此

嵩武軍在哈密懇荒片

再臣前准統領嵩武軍廣東提督張曜來牘現在軍進
哈密必就該處荒蕪地畝開墾以益軍食查該處荒地
極多纏回現存者不過二三千人尙多無力耕種者除
哈密大臣兩軍已種之地及回民自行耕種外荒地尙
數萬畝應否由其儘力墾耕以盡地利臣維哈密地方
本由王邁哈默特世守之業茲纏回離邊荒地無人承

耕文明兩軍既已分撥所部耕墾客軍事同一律自可
儘力開荒聊佐軍食惟屯田一事名雖同而實則異有
初時用兵征勦就地興屯專定入官者爲兵屯現在南
北兩路各城皆有之有屬境被賊擾害戶口逃亡官軍
討賊於師行地方且耕且戩隨地招徠難民復業雜居
耕種比事定後地已開荒成熟仍還之民此卽甘肅近
時辦法其始雖名兵屯然地仍歸之民不得謂爲兵屯
也其後民歸舊業各安隴畝亦不得指爲民屯查哈密
丙附已久素稱恭順乖體本與南北兩路不同纏頭回

民雖此時避亂往他方如果屯務辦理得宜自將強負而至此時官軍就地耕墾既非兵屯應隨時察酌情形遇有哈民來歸卽發賑給種並指給地畝俾得自種自食或給予雇值令其隨同耕穫俾得自食其矣歸時官軍拔行地畝開荒成熟哈民復業者必日多一日是官軍開荒於軍食有神於哈密故業無損而哈密復業得免開荒之旁尤所心願所辦屯務與關內外無殊是視哈密如關內外也庶可仰體

朝廷覆載生成之意至文明兩軍已墾地畝之外尙餘

荒地甚多客軍雜處承耕自勿終東勇夫矣遇曷工交
涉彼此勿因爭執而釀事端亦古昔耕者讓畔之義除
咨復張曜并咨明文麟明春外謹附片陳明伏乞

聖鑒訓示施行謹

奏 同治十三年十一月初三日

硃批知道了欽此

恪靖奏稿續編卷五十七目錄

河州叛逆首要各犯伏誅地方肅清摺

覆陳移設糧臺事宜摺

同治十三年以後軍需請改作一年開報片

河州叛逆首要各犯伏誅地方肅清摺

奏爲河州叛逆首要各犯悉數伏誅搜獲餘匪均審明
分別辦理該事地方一律肅清恭摺馳陳仰祈

聖鑒事竊河州南鄉撫回搆衅糾眾抗拒官軍調集各
路防營圍剿叠獲大勝各情形業於上年十二月十七
日由驛馳報嗣據道員劉錦棠總兵沈玉遠等稟十三
日各率所部由買家集拔駐三十里鋪探知黃泥溝有
零匪伏匿隨派都司馬占釐率馬隊往捕刃賊五名生
擒九名解營訊供稱閩逆自初九日大敗後因官軍追

急由打鼓台山頂翻山西竄隨身止十餘人不知去向
訊畢斬之劉錦棠等以首逆在逃立飭馬占鼐率馬隊
赴西鄉尋踪追捕十四日至高廟山謁知有賊甫由炭
家川一帶逃走其地可出大河家對河卽提督劉明燈
扼防之地料賊不敢履冰徑過是夜窮搜山谷仍渺無
蹤跡十五日辰刻由五台關至焦家坪瞥見有賊十餘
從山坳突出認係閔逆拍馬追及閔逆猶咳隨身餘黨
回頭死拒殺傷勇丁四名馬占鼐憤甚躍馬直前扶傷
閔逆右腿登時就縛餘黨盡殲十八日馬占鼐解閔逆

赴河州劉錦棠沈玉遂驗訊確實飭派總兵陶鼎金等
將該逆首閔朶臣并前此陣擒逆弟閔朶七逆子閔朶
木及悍目馬伏象等一併檻送到省二十三日臣督同
司道堂訊畢恭請

王命飭中軍副將崇志蘭州府知府銖珊將該逆閔朶
臣逆弟閔朶七逆子閔朶木逆目馬伏象四犯解赴南
西凌遲處死梟首示衆飭劉錦棠沈玉遂提督劉端冕
張仲春總兵凌春台張福齊粟龍山等各率所部剿分
心段窮搜匪匪慮兵勇入村良莠莫辨諭各鄉漢回鄉

約戶長互相糾察見有匪匪即縛送各營分別辦理
應戶長或有藉報私怨妄行指拏之事飭營務委員分
省補用直隸州羅長祐前赴沙泥逐加研訊錄供呈候
討各軍先後縛送東鄉黑莊等處匪目馬舉肥馬鴨黑
鴨尚鄉甯和撒拉崖各莊匪自馬由奴馬五十一馬五
十一馬羅家保沙哈六馬哈山又據軍功馬悟真等捕
送東鄉安家溝匪目安三十七及三滿拉等要犯託均
甘心從逆飭各營卽於軍前斬決梟首示眾其各鄉良
回自行縛送逃匿回匪餘獲共五百三十名及按名指

孥到案者九十餘名概予斬決其應留待質或被逼省
從罪可末減者案定發落務期毋枉無縱於嚴辦中仍
寓持平之意各軍營於獲犯訊明後陸續撤回原防仍
徠避匿漢回丁壯多復舊業畏誤春耕仍查被賊逼脅
不從遇害各良回加之旌卹示以順逆存亡之理回族
多疑善詐雖若性生至於利害生死之辨則人盡知之
其必因剿撫分明生其愛慕畏憚之念可知也况閔逆
藉報復尋仇因而構變是同與回開非尋常漢回構怨
之比官司持平辦理本無畛域可分亦何所庸其猜怨

乎此次諸軍併力圍攻網羅密佈賊巢覆後首要各犯
數口內生擒檻送解省訊明盡法處死與眾共之旬日
間匪匪數百名一概搜盡不但河境晏然卽附近各廳
縣新舊安撫回民目覩兵威更堅其去逆效順之志察
看情形足規久遠布政使銜三品卿銜候選道現署西
甯道

賞穿黃馬褂法福靈阿巴圖魯劉錦棠並赴戎機奮發
致決辦理此案始終無寬無濫不僅戰功足錄其才識
卓越殊異常流可否破格錄用之處出自

天恩補用都司馬占熬帶隊奮迅捕斬匪黨甚夥擒獲
首要各逆請以游擊補用並

賞給三品封典五品花翎馬悟道隨同官軍剿賊身帶
重傷設法擒獲著名逆目解營正法請以守備儘先補
用五品花翎馬永瑞督率回勇合力奮擊陣斬悍黨並
縛送各鄉匪匪多名請以守備儘先補用頭品頂戴記
名提督奇朗阿巴圖魯

賞穿黃馬褂譚和義頭品頂戴記名提督霍隆武巴圖
魯

賞穿黃馬褂席大成記名提督力勇巴圖魯黃萬鵬頭
品頂戴記名提督巴克坦巴圖魯蕭元亨英勇異常戰
功卓著均請

交部從優議敘黃萬鵬並請

賞換清字勇號留陝補用參將張俊膽略甚優請以副
將仍留原省儘先補用並請

賞加總兵銜二品頂戴參將銜留陝補用游擊李雙良
請以副將仍留原省儘先補用記名總兵胡敦巴圖魯

陶鼎金請

交部從優議敘頭品頂戴記名提督潘長清頭品頂戴
記名提督努克齊斯思理巴圖魯李有成記名提督湯
秀齋均請

交部從優議敘補用都司聶青山石蘊玉均請以游擊
留甘儘先補用補用游擊楊玉恆請以參將留甘儘先
補用花翎陝甘補用都司謝光華請以游擊仍留陝甘
儘先補用五品花翎崔偉舉大才禹中海均請以守備
儘先補用五品藍翎馬正國禹益長均請以千總儘先
補用湖南補用副將沈玉貴請

賞給勇號副將銜廣東補用游擊阿克敦巴圖魯黃金福請以副將留甘儘先補用軍功李金良馬殿林頗得情劉海雲均請以把總拔補並

賞戴藍翎提督銜閩浙補用總兵佐勇巴圖魯戴濟輝請以提督留陝甘補用補用副將陳孟魁請以總兵交軍機處記名遇有總兵缺出請

旨簡放藍翎千總沈福田請以都司儘先補用並

賞換花翎總兵銜儘先補用副將李輝池請以總兵儘先補用花翎游擊銜補用都司戴慶有請以參將儘先

補用並

賞給清字勇號補用總兵陳登桂請

賞給清字勇號補用守備聞其政請以游擊儘先補用

並

賞加參將銜補用總兵周東漢請

賞給清字勇號總兵銜補用副將猛勇巴圖魯將恭成

請

賞換清字勇號花翎補用都司張受春請以參將儘先

補用並

賞加副將銜補用總兵翔勇巴圖魯周應堂請

賞換清字勇號儘先補用副將楊英華請

交軍機處記名以總兵請

旨簡放補用總兵曠勇巴圖魯鄧景雲請

賞換清字勇號記名提督格洪額巴圖魯劉瑞冕提督
銜閩浙補用總兵達桑巴圖魯張福齊等二員均請

交部從優議敘留陝補用參將邊得貴請以副將仍留
原省遇缺儘先補用其餘出力各將士及縛送匪犯各
員回可否由臣查明彙案請獎之處出自

鴻施陣亡記名提督嘎爾薩巴圖魯何明海記名提督
勝勇巴圖魯李明高提督銜記名總兵彭華堂提督銜
補用總兵黃添泰記名總兵凌默發補用副將李福星
副將銜陝甘儘先補用參將朱光耀補用游擊陳英華
等八員忠勇義烈常爲軍鋒此次血戰捐軀深堪憫恤
之至應請

旨飭部各照官階從優議卹餘俟查明彙入關內肅清
案內敘奏所有官軍擒獲叛首解省訊明處決從逆各
要犯悉數殲除分別妥辦一律肅清各情形謹據實馳

陳伏乞

皇太后

皇上聖鑒訓示施行謹

奏

光緒元年二月初三日

光緒元年二月十四日內閣奉

上諭左宗棠奏河州叛逆首要各犯伏誅餘匪一律辦竣地方肅清請將出力陣亡各員分別獎卹一摺甘肅河州叛逆閔殿臣糾眾搆亂經左宗棠派道員劉錦棠等帶領各營於上年疊次圍剿獲勝劉錦棠復派都司

馬占龍帶隊按剿追至焦家坪地方將逆首閔殿臣擒
縛餘黨盡緝閔殿臣及逆弟閔丕七逆子閔丕木及悍
目馬伏象等均經解省正法各鄉縛送逃匿回匪五百
三十名孳獲到案者九十餘名概行斬決河州全境肅
清在事各員尙屬著有微勞自應量予鼓勵都司馬占
龍著以游擊補用並賞給三品封典五品花翎馬悟眞
馬永瑞均著以守備儘先補用提督譚和義等均著交
部從優議敘內黃萬鵬並賞換伯奇巴圖魯名號參將
張俊著以副將級留陝西儘先補用並廣加總兵銜游

雙李雙良著以副將仍留陝西儘先補用總兵陶鼎金
著交部從優議敘提督潘長清等均著交部從優議敘
都司馮青山等均著以游擊留於甘肅儘先補用游擊
楊玉恆著以參將留於甘肅儘先補用都司謝光華著
以游擊仍留陝甘儘先補用五品花翎崔偉等均著以
守備儘先補用五品藍翎馬正國等均著以千總儘先
補用副將沈玉貴著賞給剛勇巴圖魯名號游擊黃金
福著以副將留於甘肅儘先補用軍功李金良等均著
以把總拔補並賞戴藍翎總兵戴清輝等均著以提督

補用副將陳孟魁著以總兵交軍機處記名遇有總兵
缺出請旨簡放千總沈福田著以都司儘先補用並賞
換花翎副將李輝池著以總兵儘先補用都司戴慶有
著以參將儘先補用並賞給喀勒春巴圖魯名號總兵
陳登桂著賞給噶爾薩巴圖魯名號守備聞其政著以
游擊儘先補用並賞加參將銜總兵周東漢著賞給額
圖洪額巴圖魯名號副將蔣恭成著賞換奇徹伯巴圖
魯名號都司張受春著以參將儘先補用並賞加副將
銜總兵周應堂著賞換訥齊欣巴圖魯名號副將楊英

華著交軍機處記名以總兵請旨簡放總兵鄧景雲著
賞換霍切春巴圖魯名號提督劉端冕等均著交部從
優議敘參將邊得貴著以副將仍留陝西遇缺儘先補
用其餘出力將士及捕送匪犯各員回著左宗棠彙摺
保奏陣亡之提督何明海李明高總兵彭華堂黃添泰
凌默發副將李福星參將朱光耀游擊陳英華均著交
部各照官階從優議敘該部知道欽此

覆陳移設糧臺事宜摺

奏爲遵

旨覆陳事竊臣承准軍機大臣字寄同治十三年十二
月十四日奉

上諭袁保恆奏擇定西征糧台進駐巴里坤摺據稱烏
里雅蘇台科布多兩處設立糧台均不相宜惟巴里坤
爲南北適中之地且緊接大軍之後擬將糧臺移設巴
城等語糧臺轉運事宜關係甚重應否駐巴里坤之處
著左宗棠袁保恆和衷商榷奏明辦理移臺之後其餉
項一切仍由陝甘內地行走必須陝省後路糧臺催提
轉解以資接濟左宗棠務當督飭地方各官認真經理

毋得稍分畛域致誤事機袁保恆奏稱糧臺移設後須撥兵護運並請於舊部皖軍中商調數營此時皖軍能否調撥並左宗棠能否將應撤之營酌撥馬步若干著該大臣酌度情形與袁保恆會商妥辦張曜宋慶兩軍現在天山南路該軍糧運卽由左宗棠先爲接濟俟移臺後應如何統籌兼顧並著左宗棠袁保恆商辦毋誤軍食金順已抵巴城卽著趕緊部署迅速西進金順到古後景廉卽與該都統將進剿機宜妥爲籌辦以期迅掃逆氛將此由六百里各諭令知之欽此竊惟糧臺之

設原以支應糧餉軍需俾前敵各軍得意馳驅無須
分心儲峙其必緊居大軍之後者勢所當然巴里坤距
各軍駐紮之古城濟木薩等處爲程七百餘里車駝暢
行無阻臺設巴里坤照料易周各軍赴臺領運取攜甚
便回亂以來城垣完好如常舊爲北路商賈輻輳之所
百貨萃集市廛鱗次今昔無殊袁保恆稱糧臺宜移設
巴城是矣惟巴城產糧無多從前天時地利人和三廠
屯田日久荒廢從新經理屯政暫無近功經理如不得
人更滋虛耗金順上年在此採辦軍糧民商分贖僅得

七千餘石其明徵也臣原奏北路應兼收烏科一帶新
舊之糧者以此袁保恆所陳移臺巴里坤先買古濟之
糧次則仍由南路調運臣思古城之糧景廉已經訂買
巴里坤之糧金順已經訂買其額爾慶額所買之糧臣
已發過價銀暫毋須由台支發若訂買古城濟木西之
糧運回巴里坤無論古濟之糧未必尙敷訂買且亦無
辦法也南路涼甘肅安西新訂之糧十九萬擔不爲不
多因乏現銀收繳尙欠五萬餘擔除供張曜宋慶全軍
及金順留安西肅州數營外涼甘肅州所有防城護運

兵勇馬步各營皆取給於此算至見新時縱有存餘必無多矣若復加價訂買則已訂之五萬餘擔更難收濟且貧戶無糧出糶者買食維艱青黃不接時無從設措上年於散給籽種外郡縣復廣設粥廠煮賑療飢倘非得已價愈增則富者之欲未厭而貧者之苦愈甚按之事理實不可行且新糧訂買已多民間搜括殆遺本屬實在情形袁保恆所奏以南路調運爲未嘗自有所見古濟之糧旣已探過涼甘肅之糧又難議增然則自移巴里坤其必汲於北路廣籌採運也明矣烏里雅蘇台

科布多一帶糧多可採製保恆儲蓄當盡心籌之運及廣
加諮訪知歸化包頭至射由大也一帶十數站太巴至
巴里坤十六站中間產糧之處甚多其地雖無台站無
一定地名然舊時商旅之赴巴古烏魯木齊者每取道
於此以其有糧可購有駝可雇價均平減也湖茶私販
由此路至古城銷售經歷任督臣奏明有案近日臣再
隊總兵鄧增隨金順到巴里坤稟稱巴城商賈絡繹不
絕棉價布價糧價與內地相近皆言出烏科一帶來者
卽指此路觀其市價平減知其路徑之捷價廉之省景

廉前與金順書稱句頭運糧實亦不少非虛語也臣檄
歸綏道崇繕詢訪確實具報一面委員攜銀二萬兩往
歸化包頭試辦採運應否加銀增採容遲再議惟袁保
恆所奏移臺巴城雖以調運烏科之糧爲言以調運南
路爲末著而注意仍在肅州現在趕製大車以購車驟
三千頭駸駸西向其勢已成事難中止姑無論天山嶺
脊石徑犖确向無轍跡重載糧車踰幫銜接較之單車
空車尙可參用人力從容過險者艱阻特甚事必不行
也卽照袁保恆所擬辦法言之車糧由肅運巴艱阻所

不辭勞費所不惜而肅運之糧亦無顆粒可到巴城接
肅州安西越哈密二十四站計程雖止二千二百餘里
而道路綿長又多戈壁車馱駝隻均須就水草柴薪之
便憩息牧飲不能按站而行中間人畜疲乏又須停住
養息卽催趨迫促斷非三十餘日不能到巴計每驛一
頭日須噉料八斤一車一夫口食日須兩斤蘭州以西
料豆缺產餵養用青稞大麥粟穀等充之畜食之料卽
人食之糧也車行三十餘日計一車連載之糧至多不
過六百斤兩驛餵養卽耗去五百數十斤車夫口食亦

須六七十斤而車糧已罄安有餘糧達巴里坤乎卽達
巴里坤而車驟之餵養車夫之口食又將安出此不謂
之虛糜不得也大抵西北轉運以駝隻爲宜爲其食少
運重又能過險也駝行口內食糧不過三斤晝牧夜行
可省草束且一夫管牽五駝日需口食又省若行口外
則食草不食料如遇勞乏但餵養一升加鹽少許仍卽
復故惟駝夫宜擇其老實勤快管夫之人宜擇其耐勞
善於體恤者雖不歇廠亦少倒斃之患故關內外諸軍
均使駝而不使車統領營官之能者常留心照料不盡

委之廝養小卒也袁保恆初議移臺臣即詳告以官駝不宜車關內之用馱騾可多車駝宜少天山無車路關內之糧難逾天山及購駝不如雇駝辦官車不如用民車已辦之車只可酌改州縣台車以省餼養而迄不見察臣無如何現在製造車輛已成採買騾駝已到而始籌及餼養維艱意欲仍駐肅州辦理車運並奏陳西路用兵糧台均設肅州而引岳鍾琪曾用兵車糧車黃廷桂分車馱北過天山爲證不知岳鍾琪之用兵車後此會否停止其過天山或係令士卒下車推換以資輕便

均無從詳考至糧車則岳鍾琪於後起運至玉門布裘
吉時咨止前進而由巴里坤派餘丁三千幫協轉運謂
可省車馱之煩並以節費當時原有紀錄黃廷桂於用
兵回部時以車騾駐哈密一半赴北路巴里坤裝糧運
庫車一半徑由哈密運南路吐魯番時當重熙累治物
產豐盈而岳鍾琪由南路進兵巴里坤始用糧車繼復
停止至派餘丁三千轉運藉以省煩節費其因天山非
車路可知黃廷桂用車騾一半往北路裝糧運庫車重
載返時不逾天山其一半徑由哈密運吐魯番則本是

向天山西南行更不近天山也袁保恒預存想當然之
見求成必不行之事竟至牽強往赫博會其說臣實有
所未喻也竊維從前西路用兵

列聖之派大員赴肅州哈密辦糧台轉運前敵軍食者
均以集協款調車馱隻為事至糧料草束一切承辦
之員必視前敵軍行所至擇路之捷費之省者妥慎籌
維務得其當道光六年討張格爾官軍由北路向南路
之阿克蘇

宣宗特頒手諭十條

聖懷以肅州嘉峪關距阿克蘇五千餘里哈密總設糧
台鞭長莫及

飭運烏魯木齊所積屯糧赴阿克蘇並於伊犁採買省
地內轉輸大半又以內地軍械火藥由南路吐魯番至
庫車途多戈壁

飭改由北路逾冰嶺轉阿克蘇程途相等細繹

疊降諭旨於師行南路時猶以運北路之糧省關內轉
輸爲宜然則師行北路不應由南路辦運也明矣臣愚
謹就現在已成局勢言之袁保恆移言之先必將烏科

及各處糧路運路周爰諮詢精心擇度以所購之駝運
北路之糧以次達巴里坤迨巴里坤收有成數袁保楨
徑赴巴城設立糧台一面仍運北路之糧一面用駝背
來裝運南路肅局之糧屆時距秋穫之期不遠採糧較
易可冀集事較之駐肅轉運巴里坤重車不能過險軍
餉無可繳納勞費過鉅終歸無濟者大不侔也其已辦
車驟虛耗餽養殊爲可惜擬以有驟無車者分撥蘭州
東路抵台車之用或加撥涼甘安肅各處備台車添套
及補里車放忙之缺容_臣與袁保恆商定再由袁保恆

核實陳奏至關外諸軍需用軍裝軍火向係自行製購
入陝後由西征糧臺駐陝軍需局發傳牌到蘭州由營
署發傳牌飭沿途州縣隨時派臺車民車運送價由各
軍押運委員自發相安已人從無違誤查諸軍軍裝軍
火所習所用各有攸宜色目既殊多寡之數緩急之需
亦異毋庸由糧臺預爲備辦其子藥等項臣已設局補
城各統領遇有缺乏均可隨時借領將來另款開報爲
數無多自無須添設款目袁休恆原奏糧臺移設須撥
兵護運請於舊部商訓數營奉

餘左宗棠能否將應撤之營酌撥馬步若干著酌定情
形與袁保恆會商妥辦竊維臣軍自上年撤遣馬步四
十營後又撤去奇捷等營馬步勇夫約共千名現僅存
一百四十一營須俟洋款借到再酌兵應撤之營久役
思歸是否願赴關外無從懇擬查巴里坤原有領隊大
臣及勇兵駐紮近因鎮標急須整理奏委記名提督
王鳳鳴署理鎮篆已飭隨帶餉銀六千兩先赴署任切
實挑汰募補酌給月餉莫可改觀應移同城自可資其
照料糧臺所應有者護臺兵勇夫役爲數不必過多設

察以後前敵諸軍餉需一切均可赴糧臺請領毋須由
台運解毋須弁兵押護哈密現有張聯奎軍駐紮安西
肅州甘州涼州蘭州平涼以至陝西節節駐有防營原
因巡緝遊匪兼講運而設袁保恆隨時咨行護運斷無
違誤毋庸調撥馬步致涉虛糜移設糧臺原爲接濟前
敵各軍起見糧臺專司轉運不必參預軍務且現在臺
尙未移籌糧籌運忙無頭緒豈可預議增調馬步各營
益重其累臣拜摺後當卽鈔錄摺稿咨知袁保恆如有
不合彼此無妨辯駁以表一是俟議論悉合意見均融

再當會銜具

奏所有移臺轉運事宜及現在確實情形謹一併詳細
陳明伏乞

皇太后

皇上聖鑒訓示施行謹

奏光緒元年二月初三日

軍機大臣 字寄光緒元年二月十四日奉

上諭左宗棠奏河州叛回剿辦竣事並覆陳移糧臺事
旨各一摺河州南鄉撫回構衅糾眾抗拒官軍經左宗

棠飭道員劉錦棠等前往剿辦將首要各犯悉數擒獲
正法地方一律肅清劉錦棠迅赴戎機甚爲得力已交
軍機處存記並明降諭旨將出力陣亡各員均照所請
分別獎卹矣此次回衆滋事勦撫分明尙無枉縱惟該
回族多疑善詐其中桀驁之徒撫馭稍不得宜難保不
復相勾煽爲患地方左宗棠當飭地方官妥爲彈壓加
意拊循並調派勁兵擇要扼紮以資備禦而杜亂萌左
宗棠以糧臺宜設巴里坤須於北路廣購糧石以濟軍
食惟前據額勒和布等奏烏里雅蘇臺地屬苦寒素不

產糧科布多亦無餘糧可採並據景廉奏古城一帶田
地荒蕪收穫無幾該都統並無爲金順訂買糧工萬餘
石之事師行糧隨關係極爲緊要所有移設糧壺並一
切事宜著左宗棠慎遵本年二月初三日密諭悉心妥
籌迅速具奏景廉額勒和布等各摺著抄給閱看將
此由六百里諭令知之欽此

附額勒和布多布沁札木楚杜嘎爾摺

奏爲遵查烏城素不產糧及現存糧石數目並駝難購
辦情形恭摺由驛覆陳仰懇

聖鑒事十二月十六日承准軍機大臣字寄同治十三年十一月十四日奉

上諭左宗棠奏籌畫移設糧臺辦理採糧轉運事宜各摺片等因欽此遵

旨寄信前來奴才等查烏里雅蘇臺地勢寒苦五穀不生所有換防官兵應需口糧向由科布多十屯征收解交烏城近因收成歉薄久經停解每年皆係派員赴歸化城採買以共本城兵食因經費支絀不得不量出爲入是以並無餘存至口北糧臺前解景廉軍營糧石早

經端數運至科城烏城並無芥蒂惟查有遺失標記之糧二千三百九十九袋半盡係同治九十年間積滯阿爾泰軍臺之糧暴露沙漠將及三年半耗於鼠偷雀啄半腐於雨濕風侵奴才額勒和布前在察哈爾都統任內奏明發價雇駝轉運始行運解到烏靈變朽盡大半不堪食用今春烏城防剿官兵口糧因察哈爾去冬商駝鮮少招雇不易未能如期報解經前署將軍常順將此項米石通融借放各營一千一百十九袋檢查現存米石僅止一千二百八十袋半此烏城積存糧石之實

在數目也至喀爾喀各盟雖係產駝之區惟是連年災
祲兼被賊擾及供應臺站差徭遺失倒斃不可勝數加
以原廉金順榮全英廉等疊次採買控羅殆盡前奉寄
諭購辦西征糧餉博運駝隻經奴才杜嘎爾等飭令喀
爾喀圖什業圖汗等回盟分賢健駝四千隻務於年內
買齊去後現屆年終車臣汗等三盟尙未呈覆僅據圖
盟詳報困苦景况駝隻缺乏無從購買各等情經奴才
等以西征糧餉需駝挽運刻不容緩無論如何爲難務
須竭力採辦毋得藉詞推諉等因剴覆該盟在案惟此

項既隻究竟能否採買足數之處刻下尙難豫定此島
城駭難購辦之實在情形也所有遵

旨查明覆奏緣由謹恭摺由驛馳陳伏乞

皇上聖鑒

奏 同治十三年十二月二十六日

附景廉摺

奏爲接奉寄

諭恭摺覆

奏仰祈

聖鑒竊奴才於十二月初三承准軍機大臣字寄奉
上諭在宗棠奏辦理出關諸軍餉數及糧運情形等因
欽此奴才前因哈密巴里坤古城濟木薩等處皆係兵
燹之餘戶口彫敝土地半皆荒蕪古濟招集流民僅數
百戶產糧不敷需用官屯牛具缺乏播種無幾一切艱
窘情形久在

聖明洞鑒之中是以奴才屢次

奏請做照成案由甘涼一帶運糧并於關外安設糧臺
不第接濟金順各營且爲張曜宋慶兩軍續進之地茲

左宗棠奏稱奴才已爲金順訂買糧二萬餘擔足供金順全軍數月之食擬請將關內運糧停止等語奴才不勝駭異悚惶伏思奴才渥受

聖恩膺茲重寄凡有奏報均係實在情形不敢稍涉欺飾如果古濟一帶糧石易於採買且又爲金順訂買軍糧如此之多奴才具有天良何敢不隨時

奏明而仍以關內運糧屢瀆

宸聽查金順委員在古城曾經自行採買糧七千餘擔已收入倉者僅四千餘擔其餘催收尙覺喫力奴才並

無代訂糧石之事緣古濟戶民只有此數產糧亦只此數以二萬餘擔之糧豈能咄嗟立辦况該處買糧皆係現銀奴才軍餉十分支絀自顧軍食尚且不暇核糧二萬餘擔需銀十萬餘兩一時何能有此鉅款嗣查左宗棠原奏稱係額爾慶額桂錫楨等稟報無論所稟代訂糧石一事失實卽所稱糧價亦與奴才數年以來買糧價值不符當卽咨詢額爾慶額旋據覆稱本副都統查詢總兵桂錫楨所遞左大臣原稟內稱所買糧二萬餘擔係詢問各糧臺委員及地方官所請由巴里坤西至

江土板漚等處統計非推古濟而言并無已爲金項
買銀二萬餘指之語副都統會准左大臣咨詢糧料情
形卽以桂錫楨所查各情約略復之并謂口外今年收
成歉薄不及去秋豐稔每擔小麥計重三百餘觔定價
四兩三錢如趁秋麥登場得有現銀極力搜買又須交
納齊全或可稍供軍食若料豆則顆粒維艱雖有現銀
無處購買亦無爲金軍訂定二萬餘擔之語等因並據
桂錫楨鈔錄原稟呈送前來 奴才檢閱桂錫楨原稟首
係約略揣度之詞毫無實據且係合巴里坤沙山等處

而言又將該軍食用過糧擔核算在內其不足憑信已
可概見額爾慶額來咨所稱該副都統及桂錫楨均無
呈報奴才爲金順訂買一萬餘擔之語詞意含混是否
屬實殊難揣測第思左宗棠爲

朝廷大臣既經具疏入

告必非無因特恐該副都統等冒昧具報此時意存掩
飾事未可知奴才已調取該副都統咨覆左宗棠原稿
俟咨送到日再爲行查左宗棠以昭核實至古濟地方
情形均係共見共聞伏懇

聖明俯賜查訪如奴才有爲金順訂買糧二萬餘擔之
事請卽治奴才以欺罔之罪又左宗棠原奏內稱烏科
採買糧石運至古城一石計重三百餘觔較由涼州運
安西計重百觔之腳價已少三分之一况由安西踰路
密每擔又須加運腳過倍等語奴才伏查烏里雅蘇臺
乃不毛之地素不產糧該處換防官兵口食皆由歸化
運解科城地方尙能種植青稞然僅敷該城換防官兵
二三百人口食之需去歲該城添練蒙兵曾兩次借過
奴才軍營轉運糧一千擔此卽無糧之明證豈復有餘

糧轉解古城似才前

秦原由口北歸綏兩道在關內採運非由烏科兩城採
買嗣因道路遙遠無長駝運送軍臺駝隻不敷應用積
壓一年有餘運送到營者僅十分之一兼之轉運軍火
差役往返絡繹不絕不免擾累蒙古無以仰
皇上撫綏外藩之意是以於奉

旨飭查後卽

奏明停止請由甘肅運解該督謂由烏科兩城採運是
於此事尙未深悉顛末也刻下金順所部駐紮巴里坤

只購買糧三千餘擔辦理甚爲棘手并聞該城糧價長
至十餘兩猶無處糶買街市間有餓殍古濟雖較巴城
稍優而新復之區汙萊市閭以數百戶之流民種植產
糧能有幾何近來大軍漸集商賈接踵而至食衆生寡
其涸可待况歲時豐歉不能逆料邊塞沙磧之地四無
鄰封一經匱乏呼籲無門設士卒因飢誹潰其害何可
勝言至於屯田以濟軍食自係行軍要訣奈征兵與防
兵不同用力不能專一牛具又難猝辦奴才昨接金順
來函據稱現在赴北路採辦牛隻並稱該軍善於農事

者甚少請由奴才處借給熟悉種田之人以資教習等語宋慶雖派員在哈密五保地方墾種屯田明歲收成亦難預定是欲積屯田以贍軍食非二三年不能奏功實屬緩不濟急總之師行糧食最爲急務而尤以寬爲籌畫預爲規畫內地且然無論蒙外金順所部駐紮於肅州安西者尙有十餘營若不全赴前敵將來進取烏垣兵力斷不敷用且以有用之兵置之後路無用之地亦殊可惜而巴里坤古濟情形如此艱窘勢又不能遽集焦灼徒深奴才愚昧之見總期聚精會神一鼓作氣

減此朝食庶可仰副

高厚故通盤籌畫請由關內運糧接濟以免老師糜餉
日久無功若謀同築舍月鷲歲淹使金魚阱獸久稽

天討奴才身雖重謹固不足惜將何以恢疆宇而警外
夷至張曜宋慶兩軍口糧等項已奉

旨由左宗棠辦理該軍出關後自尙無虞枵腹第該督
前次奏稱軍糧只能運送哈密是該軍亦祇能駐紮哈
密一踰天山卽無糧運規西至古城又千餘里查張曜
宋慶兩軍旣奉

旨出關征剿或北至古城與奴才合兵進取或由南路
進攻吐魯番倘無人駐哈密之理若糧運只及哈密則
該軍勢不能前進株守後路又何用此重兵虛糜餉項
爲哉奴才與左宗棠金順同膺重寄理宜和衷共濟仰
紓

皇上西顧之憂斷不敢固執己見自蹈愆尤第奴才既
仰承

簡命督辦新疆軍務自應統籌全局以期無誤戎機故
不得不直陳於

聖主之前合無仰懇

皇上乾綱獨斷仍飭左宗棠將後路糧運臺站查照成案妥爲籌畫不得意存諉謝奴才仍隨時體察情形如果二三年內屯田採買日有起色足資軍食卽當

奏明停止轉運以節經費而紓民力除由奴才再行函

致左宗棠金順妥爲籌商外所有接奉寄

諭覆奏緣由理合由臺六百里馳陳伏乞

皇上聖鑒訓示施行奴才無任激切屏營之至請

奏光緒元年正月二十五日

同治十三年以後軍需請改作一年開報片

再臣軍歷年餉需收支各款業將自同治五年由閩帶隊啟行起至十二年肅州克復截至年底止彙爲一案開具簡明清單奏報請銷同治十三年七月三十日欽奉

諭旨戶部知道單並發欽此嗣准戶部核覆請銷各款既係核實開陳應准照單支銷其自同治十三年正月以後軍需用款應照例章按半年奏報一次造具細冊送部以符定制等因並准部知照前來臣維部議軍需

用款應查照例章按半年奏報一次造冊送部原爲核實支銷起見自應查照辦理惟臣軍每年收到各省撥餉多牽前搭後支發款目又極繁鉅若照例章按半年奏報一次俱多窒礙且甘肅艱苦情形甚於各省所支之款與例章多有未合而事在必需實不容稍涉拘泥致滋貽誤所有臣軍同治十三年正月以後軍需收支用款報銷應懇

天恩俯准不拘成例改作一年開單奏報一次以歸簡易而昭核實除咨部查照外謹附片具陳伏乞

聖鑒訓示施行謹

奏光緒元年二月初三日

軍機大臣奉

旨該部知道欽此

軍機大臣 字寄光緒元年正月二十五日奉

上諭景廉奏關外軍糧匱乏情形一摺哈密巴里坤古城濟木薩等處皆係兵燹之餘戶口彫敝田地荒蕪古濟招集流民僅數百戶產糧甚少金順委員在古城僅買糧七千餘擔已收者止四千餘擔景廉並無爲金順訂買糧二萬餘擔之事刻下金順所部駐紮巴里坤購糧甚爲棘手尙有十餘營留紮肅州安西一帶未能全進至烏里雅蘇臺等處並不產糧斷難分濟大軍已據額勒和布等覆奏現在官軍陸續西進若非聚精會神

迅籌剿辦則糜餉老師何以復疆圉而禦外侮然非軍
楮充裕士飽馬騰則飢潰堪虞辦理亦斷難得手曷庶
所陳前敵軍糧匱乏均係實在情形亟應由關內妥爲
籌畫源源接濟著責成左宗棠將後路糧運事宜實力
籌辦並哈密以西各處應如何設立臺站俾資運送卽
行一併妥籌具奏該大臣務當仰體朝廷眷念西睡之
意力任其難毋得稍存推諉倘因軍糧不給致撥師行
貽誤事機定惟左宗棠是問張曜宋慶兩軍或北至古
城會兵進取或由南路進攻吐魯番卽著其派金順隨

時安商調派現在關外兵力較厚景廉等務當激勵將士奮勇進剿迅復烏城倘軍糧無缺而曠日持久任令踞匪負隅定惟景廉金順是問將此由六百里各諭令知之欽此

軍機大臣 字寄光緒元年二月二十七日奉

上諭景廉奏敬陳糧運事宜一摺據稱北路烏科等城無糧可採仍應在肅州設立總台安西哈密巴里坤設立分台等語前邊諭左宗棠將關外各軍糧運事宜通籌全局據實奏陳此次該都統所稱糧台宜設肅州并應另設分台係屬實在情形卽著左宗棠懍遵二月初三日諭旨一併籌畫迅速具奏前據左宗棠奏袁保恆所請開辦屯田殊非此時所宜當諭令與袁保恆商酌茲據景廉奏關外地廣人稀果能大興屯政關外多一

系卷之三十一
分收穫關內卽少一分轉輸雖奏效稍遲而節省經費
之計無逾於此等語著左宗棠悉心籌辦勿惜小費而
廢大計見在大軍進規烏魯木齊軍情最關緊要該大
臣務當妥速籌維認真經理以裨大局毋得稍存成見
致誤事機將此由六百里諭令知之欽此

光緒元年三月二十八日內閣奉

上諭左宗棠著以欽差大臣督辦新疆軍務金順著仍
幫辦軍務欽此

光緒元年三月二十八日內閣奉

上諭戶部左侍郎袁保恆著回京供職欽此

軍機大臣 字寄光緒元年三月二十八日奉

上諭本日已有旨令左宗棠以欽差大臣督辦新疆軍務金順調補烏魯木齊都統仍幫辦軍務景廉調補正白旗漢軍都統回京供職景廉著俟金順行抵古城後將各營兵勇糧餉移交金順接管再行起程回京前頒欽差大臣關防卽由景廉恭繳新疆軍務孔殷必須速籌進兵節節蕩金順本有自帶各營益以景廉所部兵力已不單薄著卽督率各營親臨前敵相機進剿爲收復烏魯木齊各城之計毋再遲延致誤戎機所有進

兵機宜隨時會商左宗棠酌辦袁保恆已令回京供職
西征糧台已諭左宗棠責成陝西藩司經理應行奏催
及咨行各省事件呈由陝西巡撫核辦關外轉運事宜
卽在哈密巴里坤各處設立糧餉分局由左宗棠派員
經理袁保恆將經手事件逐一交代清楚後起程回京
見在關外兵事餉事并轉運事宜均歸左宗棠督辦蘭
州相距遠鞭長莫及該大臣當統籌全局酌核辦理
關外軍食務當源源運濟以期士飽馬騰毋令停車待
哺致有藉口朱慶一軍該大臣已咨令回劄潼關本日

亦諭知錢鼎銘商令該提督擇要駐劄矣將此由六百
里各諭令知之欽此

軍機大臣 字寄光緒元年五月十八日奉

上諭金順奏馳抵古城扼紮濟木薩護屯種暨糧餉艱
難情形一摺金順由巴里坤督隊西進於三月間行抵
古城該都統以奇台縣屬西集爾地方近接南山賊匪
最易出沒已派馬步各隊伍駐紮卽著飭令聯絡聲勢
嚴密設防據奏濟木薩西近三台東接古城該處僅有
禮字等營屯紮兵力尙單現在督軍進紮等語前已有
旨命左宗棠以欽差大臣督辦新疆軍務金順調補烏
魯木齊都統仍幫辦軍務並接統景廉各營該都統現

已前抵古城著景廉卽將各營兵勇糧餉移交金順接管全順統率全軍所有調度機宜均歸區畫究應駐紮何處方爲相宜著左宗棠金順通籌全局無誤戎機其濟木薩地方是否必須該都統進紮或酌派隊伍前往以資防護屯種之處並著斟酌情形妥爲辦理古城糧擔缺乏亟應妥籌接濟著左宗棠懍遵前有源源運解以期士飽馬騰各省關應協金順軍營餉銀山西四川兩省每年應協銀二十四萬兩僅據山西撥解一萬五千兩四川撥解六萬兩江海江漢粵海三關每關每年

應協餉銀二十四萬兩僅據江海關撥解十萬兩江漢
關撥解六萬兩粵海關撥解三萬兩現在該營盼餉甚
殷著李瀚章英翰吳棠劉坤一翁同龢吳元炳鮑源深
張兆棟文格卽將各省關欠解協餉迅速埽數按期撥
解毋稍延緩並著左宗棠咨照陝西巡撫俟前項協餉
解到時卽由西征糧台迅解金順軍營俾應急需將此
由六百里諭知左宗棠金順景廉李瀚章英翰吳棠劉
坤一翁同龢吳元炳鮑源深張兆棟並傳諭文格知之

欽此